

刑
案
匯
覽

刑案匯覽卷五

目錄

二罪俱發以重論

從重照那移例定罪完贓准免

身犯絞決斬候情節較重斬決

從重擬徒留養免盡本法加枷

犯罪共逃首從

分用拐賣身價並非因人連累

說事過錢媒合均非因人連累

共犯罪分首從

越關偷空金砂守兵受賄故縱

受賄故縱與犯同罪應分首從

賄縱與犯同罪同律不應同例

共犯不分首從父兄毋庸加等

弟起意販鴉片兄與外人爲從

販賣鴉片一家共犯罪坐尊長

犯罪事發在逃

監候待質盜犯患成篤疾同例

勢西擬流盜犯待質期滿保釋

夥賊不知強情監禁年久保釋

粵西盜犯先認後翻待質年限

強盜監候待質遇赦酌定年限

監候待質奉准部覆之日起限

監候待質擬定罪名方准起限

增

待質人犯罪已援免分別遞籍

蒙古待質盜犯不照凡盜年限

蒙古偷竊牲畜毋庸監候待質

待質遇赦逃者准減卽予查辦

待質遇赦減等應照例限核辦

共毆餘人待質期滿授赦保釋

待質之犯應先擬定罪名監禁

謀殺卑幼爲從擬流待質期滿

罪關軍徒出入卽應監候待質

二命止認一命酌量年限待質

兩次刃傷事主止認一次待質

誘略二人待質期滿授赦保釋

刑案匯覽卷五

二罪俱發以重論

從重照那移例
定罪完贖准免

雲撫 咨稱革知縣劉義進先因故入人罪擬徒奏
結後又查出該革員有那移庫項情事審明從重擬
總徒四年今限內完贖應否照例免罪咨請部示一
案奉

諭將江蘇省李輔平一案查出一併交館查核等因

職

等檢查嘉慶七年有已革貴州糧道孫文煥濫應軍
需一案原案內聲明該革員控告藩司百齡貪婪勒

案及捏詞陷害等欺密係虛誣照誣告人死罪未決律僅止擬流加徒卽聽從臬司張繼辛餽送灑銷罪亦止於張繼辛應得死罪上減等擬流惟濫應軍需至三萬八千兩之多應從重照那移一萬兩以上例擬斬監候嗣該革員一年限內完贖經本部奏明奉旨釋放在案此案已革知縣劉義遵先因承審張兆控案故入人絞罪未決自行檢舉照故入人罪以全罪論未決減一等滿流律量減一等杖一百徒三年奏結後復查出該員因墊完民欠修埧河堤等款那用虛

海運倉書吏周
頤經直隸司審
照花戶朋比爲
奸例擬徒一年
奏結因尙有侵
用倉項經安撫
司審擬從重科
斷旋卽完贖免
罪道光四年案

銀四千餘兩續經審明從重照那移庫銀五千兩以
下例擬杖一百總徒四年仍照例勒限監追今據該
省以該革員一年限內全完應否免罪咨請部示查
二罪俱發應從其重者論該革員既歸於那移案從
重定擬今已於限內完贖自應照例免罪該司議令
題請免罪核與定例及辨過成案均屬相符應請照
辦至江蘇司參革知縣李輔平一案查該革員因私
將版單印串抵借銀兩照官吏挾勢借貸所部財物
例擬流罪上景減擬徒因另有那移庫銀倉穀從重

身犯絞決斬候
情節較重斬決

照那移庫銀一萬兩以上例擬近邊充軍業經本部
題准照例勒限監追如果該革員限內完贖亦應比
照辦理均無錯誤 嘉慶十七年說帖

雲南司 查乾隆二十六年河南省侯昌立與小功
服孀冉氏通姦並謀殺侯總聰一案該省因該犯在
小功服孀罪應絞決謀殺人罪止斬候將該犯擬絞
立決經本部駁擬斬候請

有卽行正法在案今雲南省夷人家奴詩機誣告家長肆
中其壓良爲奴已罪應絞決又因瓦礫不肯爲該犯

身犯兩斬決應
加擬梟示並不
論其是否同案
同時湖北張更
銀案載罪人拒
捕條

赴案誣證用刀將瓦澤扎死按奴婢毆死良人律應
斬候查立決固重於監候而斬絞罪名更屬懸殊以
罪應絞決之人復犯斬候之罪自應從重辦理該撫
原題內聲明該犯傷斃瓦澤非止絞候固屬錯誤該
司擬照絞決亦未允協詩機一犯應仿照侯昌立成
案改依奴婢毆死良人律擬斬請

旨卽行正法奉

批既有成案應照辦所擬出語止言奴婢毆死良人請
卽正法恐礙良賤相毆之例應於擬斬監候下改云

該犯以家奴欺壓家主本干絞決又毆斃良人應請

旨卽行斬決
嘉慶二年說帖

從重擬徒留養
免盡本法加枷

吉林將軍 咨張慶等因賭博毆傷鄉傑致令自盡

一案查例載軍流徒犯告稱祖父母父母老疾家無

以次成丁者徒犯照數決杖枷號一個月准留養親

又獨子留養之案徒罪人犯身爲人後毋庸另繼概

准留養又律載二罪俱發以重者論其應入官物

賠償盜刺字官罷職罪止者罪雖勿論或重各盡本

法各等語是各盡本法之條係專指犯人罪已從重

江西省總細妹
毆死功兄律應
斬決又致母畏
果自縊例應照
本犯罪名擬以
立決應加擬
示以昭區別
慶九年案於十
四年纂例

科斷而有應入官之職等項不能概免仍盡本法至
獨子存留養親原屬法外之仁故雖犯至死罪亦止
枷號兩個月責四十板准其留養並不以其過輕於
例外重科此案張慶因鄒傑與伊同賭輸錢爭鬧該
犯用強毆打致傷鄒傑額顙王義先並未同賭幫同
張慶毆傷鄒傑左胎膊肱肱等處致鄒傑被毆氣忿
自縊身死該將軍將張慶王義先等照因事用強毆
打威逼人致死致命而非重傷例分別首從從重擬
徒本屬照例辦理至所稱張慶自幼出繼伊胞叔慶

免死盜犯擬遣
題結後又審出
掠竊各案即屬
重罪先發已經
例勿論
道光五年熱河
黃三案

王樑爲子該犯原籍山西是否另有可繼之人不必
定以該犯爲嗣應移咨原籍查明咨覆再行分別辦
理原屬錯誤該司援引徒罪人犯毋庸另繼之例議
以如果查明親老丁單卽准留養尙屬允當惟該將
軍咨稱張慶本有賭博枷號兩個月不議之輕罪一
經留養僅應枷號一個月比於不議之輕罪更加輕
減可否量加一個月共予枷號兩個月之處聽候部
議等語經該司議將張慶照該將軍所擬依威逼人
致死本例擬徒仍盡賭博本法枷號兩個月准其留

義等因查張慶旣已從重依威逼人致死本例擬徒則其應得賭博之枷杖係屬輕罪例內止應以重者論原不得例外重科該將軍謂其一經留養止於枷號一個月比於不議之輕罪更加輕減量加枷號一個月已與定例不符該司援引各盡本法之律將該犯照賭博本例枷號兩個月而於該犯由徒罪留養應得枷號一個月之處置之不議尤未允協律稱二罪俱發從重論斷無已科重罪因其留養轉再科以輕罪之理該將軍所咨自毋庸議若該司所引各盡

本法律文則律內已指明入官贓等項似亦不便於
律外濫行引用若如該司所議將該犯仍盡賭博本
法枷號兩個月再加滿徒留養應照數決杖枷號一
個月共應責四十板枷號三個月較之死罪人犯留
養例止枷號兩個月責四十板者轉爲加重殊覺窒
礙難行自應照例更正惟檢查各司辦理此等案件
有由流罪留養止依例枷號四十口責四十板聲明
賭博係輕罪不議者有由徒罪留養仍盡賭博本法
枷號兩個月責四十板而置滿徒留養應枷號一個

月於不議者其未能盡一之處恐各司均屬不免應
傳知各司嗣後遇有似此等案情均照例按本例辦
理不得牽引各盡本法之條致滋歧誤

稍此案與
尾

慶因鄒傑與伊同賭輸欠錢文爭鬧該犯用強毆打
致傷鄒傑額顙王義先並未同賭幫同張慶毆傷鄒
傑左胳膊肱肱等處致鄒傑被毆氣忿自縊身死查
張慶毆打鄒傑致傷額顙原驗皮僅微破雖屬致命
並非重傷張慶除賭博輕罪不議外應如該將軍所
咨令依因事用強毆打威逼人致死致命而非重傷

例杖一百徒三年該將軍咨稱據張慶供稱自幼與
繼胞叔張玉樑爲嗣張玉樑現年七十一歲應咨查
該犯原籍山西是否另有可繼之人轉飭確查辦理
等因查徒罪應行留養人犯其身爲人後者例內載
明毋庸另繼概准留養是該犯張慶應行留養之處
本毋庸行查是否另有可繼之人應令該將軍卽行
查明如果所後之家實係親老卽將該犯照數決杖
枷號一個月准其存留養親至該將軍所稱該犯一
經留養僅應枷號一個月比於不議之輕罪更加輕

減聲請量加一徧月之處查張慶旣已從重依威逼
人致死例問擬滿徒則其應得賭博之枷杖卽屬輕
罪例內止應以重者論自不得因其留養折枷復予
重科所有該將軍咨稱量加枷號一個月之處應毋庸議其王義先一犯並未同賄惟因鄒傑置罵卽用
棍將鄒傑連毆致傷其左胳膊肱肱等處致令自盡
亦應如所咨於張慶滿徒上減一等杖九十徒二年
半仍共追埋葬銀十兩給屍親具領旣據查明親老
丁單應卽照例枷責准其存留養親

道光二年奉天
司說帖

犯罪共逃

分用拐賣身價
並非因人連累

頂兒自首免罪
誣證之人亦准
免案載有事以
財請求條川省
甘位

江蘇司 查律載因人連累致罪若罪人自首得減

連累人亦准同罪人減等法註云謂因別人犯罪連

累以得罪者如藏匿引送資給罪人及保勘供證不

實或失覺察關防鈴束聽使之類等語細繹律註係

專指因他人犯罪後牽連得罪並非與本犯共犯一

事者而言若知人畧賣子女夥同勸賣得贓則係共

犯一罪與因人連累不同自應各科各罪不得因正

犯自首減等亦照本犯一體寬減今蘇撫咨徐再耕

說事過錢媒合
均非因人連累

拐賣幼女阿彩案內之媒婦陳沈氏業經盤出徐再耕拐賣情由圖分錢文轉囑徐再耕改姓申賣分贓係屬自行犯法仍應於徐再耕應得絞罪上減等擬流該撫因徐再耕已照聞拿投首例減流即將該氏於流罪上減等擬徒核與律意未符該司於稿尾聲明改正似屬照例辦理

乾隆五十六年說帖

北撫題劉廣華陽傷余廷棟身死賄賜私和一案
奉

批說事過錢獲罪可否作因人連累論交館商之等因

查犯罪共逃律
減如藏匿引送
若過赦原免逃
累人亦准原免
又當赦所下原
律載若藏匿引
送雖會赦並不
原宥輯註云蓋
彼指藏匿引送
者是十惡不赦
之犯故亦不赦
若本犯是應遇
赦原免連累人
等反不赦耶此
等處皆須分別
論之十

查律載凡知情故縱聽行藏匿引送說事過錢之類
皆有心故犯雖會赦並不原宥其過誤犯罪因人連
累致罪並從赦宥又例載進士舉人貢監生有犯管
杖輕罪照律納贖罪止杖一百者分別咨參除名徒
流以上照例發配各等語是說事過錢與因人連累
律內已判為兩項分別載明而舉貢生監犯該徒罪
以上又有照例發配明文自不得含混引斷此案余
錢氏余洪太係受財私和該撫將余錢氏余洪太計
贓擬流無祿人減一等擬徒聲明余錢氏係婦人照

父兄不能禁約
子弟爲竊盜四
十正犯已死係
因人連累贖減
二等案載刑四
條廣東勞洪三

例收贖均係照律辦理至已革武舉胡映奎武生周
卜年及胡朝貴余大志余先贊等均係聽從說合贖
和人命亦應照例擬徒乃該撫以該犯等係因人連
累各得徒罪准其收贖殊與定例未符除余映奎業
已自盡余大志在保病故均毋庸議外周卜年余先
贊胡朝貴等所得徒罪不准收贖卽行定地發配

嘉慶二十二年說帖

湖廣司 查湖北湖南兩省辦理因人連累致罪之
犯准贖不准贖向未畫一呈請

擅傷罪人成廢
罪人收贖擅傷
人照囚人連累
亦取贖直報省
孫世英案載罪
人拒捕條

交核等因查律載囚人之累致罪正犯收贖者連累人

亦准贖罪法又知情故縱聽行藏匿引送說事過條

之類一應實犯皆有心故犯罪雖會赦並不原宥其因

連累致罪謂因別人犯罪連累以得罪者並從赦宥

各等語是說事過錢以及一應有心故犯與囚人連

累律內業已列為兩項分別載明引斷無虞謬轉詳

核該司查出各案內湖南省趙楊善仕故殺楊起妻

案內屍母楊石氏受賄私和係婦人照律收贖說事

過錢罪應擬杖之朱學也等該撫原擬收贖經本部

汪一受案賊聚
親屬妻妾係

以該撫先經題報盧綱華賜銖李綱典案內死母受
賄私和將說合之楊士修等擬杖折責發落先後難
理不符駁令照例杖責發落嗣該省題李維名捕賊
彭沈義身死案內屍母彭劉氏受賄私和照律收贖
說事過錢之李萬和等照例杖責發落是湖南省難
理已屬畫一惟湖北省題汪一受將未婚次媳與長
子爲婚案內將汪一受擬流年逾七十照例收贖知
情媒合罪應擬徒之劉輝彩亦准收贖又朱仍堂毆
斃曹啓龍案內屍母曹段氏賄和係婦人照律收贖

說事過錢罪應擬杖之邱光贊等亦准收贖本部因
係該省相沿辦法亦卽隨案照覆核與湖南省辦法
究屬兩歧且詳核律義說事過錢及一應有心故犯
會赦並不原有其因人連累致罪並從赦宥分晰已
極明悉自未便將嫁娶違律案內知情媒合及賄和
人命案內說事過錢各犯概行牽引因人連累之條
與正犯一體收贖致滋寬縱應請交司存記如該二
省咨題案內一有似此之件再行就案通行各省請
一辦理

道光九年說帖

南撫題單監李錦良向曾李氏調姦未成和息後致氏抱忿自盡一案緣李錦良與素識曾搶頭之妻李氏見而不避道光八年三月十二日李錦良路過曾搶頭門首進內討火吸烟曾李氏隨進火房點火其時曾搶頭外出李錦良頓萌淫念隨跟入火房向曾李氏搜抱調戲曾李氏不依喊罵院鄰曾才貴聞聲趕至曾搶頭亦自外歸卽將李錦良扭住曾李氏當將李錦良髮辮判斷李錦良掙脫跑走曾搶頭投保欲控李錦良聞知畏罪願出花銀五十圓央託戚

鄰陽新古鄧端倡轉央曾三魁等向曾捨頭求和曾
捨頭因顧惜顏面當卽應允曾三魁等將花銀交給
取回髮辮息事未經報官曾捨頭當謝給曾開祥曾
三魁花銀共五圓四月二十八日李錦良族人李啓
賢聞知起意向曾捨頭索銀分用曾捨頭不允并斥
其訛詐其時李啓賢正令李倡仔走入火房點火吸
烟李倡仔未及起身李啓賢因被斥氣忿遂以李倡
仔並未謂姦真非亦怕割髮之言向其譏誚曾捨頭
不依爭鬭曾李氏聞知趕出哭鬧並埋怨曾捨頭不

應和息以致被人耻辱難以做人不如尋死經衆勸
慰各散詎曾李氏抱忿莫遏輒萌短見卽自縊身死
曾捨頭赴縣具報并將受賄私和情由一併首明將
李錦良依例擬流李氏附請

旌表等因查此案李錦良調姦曾李氏未成業向李氏之
夫曾捨頭出銀和息追後曾李氏因聞李啓賢譏誚
之言復抱忿莫遏投繯殞命是該氏之追悔自盡實
因李錦良調姦所致應如所題李錦良合依調姦婦
女未成和息後因人耻笑本婦追悔抱忿自盡例杖

一百流三千里該犯右足微跛尚能行走惟右手四指與手掌皮肉相連拳曲不能伸縮實屬廢疾仍照律收贖該撫疏稱李啓賢於李錦良調姦會李氏未成和息後圖向氏夫曾拾頭索分賄和銀兩尙非無端肇釁惟因圖索未遂復敢出言譏誚致會李氏悔忿輕生情難輕縱李啓賢除圖詐未得財輕罪不議外應於李錦良流罪上減一等杖一百徒三年李倡孖聽從同往圖詐並未得財亦未隨同恥笑應照不應重律杖八十曾拾頭於李錦良調姦伊妻聽勸私

和得受花銀五十圓已據自首應照自首律免其治
罪陽新古鄧壠倡會三魁會開祥聽從說事過錢今
會捨頭業已自首免罪該犯等係因人連累亦應免
罪會捨頭所得私和花銀據供已爲伊妻葬費用去
現在赤貧無力措繳應免著追等語等查律載因
人連累致罪正犯收贖者連累人亦准贖罪法又知
情故縱聽行藏匿引送過錢之類一應實犯皆有心
故犯雖會赦並不原有其因連累致罪者並從赦宥
各等語是說事過錢以及一應有心故犯與因人連

果律內業已判爲兩項分別載明引斷無處輟稿此
案陽新古等因李錦良調姦會搶頭之妻李氏未成
會搶頭欲控李錦良畏罪願出花銀五十圓央陽新
古等向會搶頭求和免究雖會搶頭業已到官自首
律得免罪而陽新古等私和姦事說事過錢係有心
故犯與因人連累致罪正犯自首免罪連累人亦得
免罪之案不同該撫以受賄之會搶頭自首免罪陽
新古等說事過錢係因人連累亦准免罪殊屬誤會
律意應令該撫查明陽新古等代爲賄和花銀折實

職數若干按律妥擬專咨報部再行核辦惟該省既將有心故犯之案牽引因人連累之條恐各省亦有似此誤會者相應通行各省一體遵照辦理等因道光十年五月十八日題二十日奉

旨依議欽此 通行

共犯罪分首從

越關偷挖金砂
守兵受賄故縱

陝督 咨民人楊玉等私出口外偷挖金砂守卡營
兵楊煥等受賄故縱一案查例載新疆地方偷挖金
砂無論人數砂數多寡為首枷號三個月實發雲貴
兩廣極邊烟瘴充軍為從枷號三個月解回內地杖
一百徒三年又律載私度關津者杖八十越度者杖
九十若越度緣邊關塞者杖一百徒三年守把之人
知而故縱者同罪又例載民人無票私出口外者杖
一百流二千里又名例載受財故縱與同罪者全科

刑
稱以枉法論及以益論之類皆與正犯同註云然所得同者律耳若律外引例則又不得而同焉又共犯罪者以造意爲首隨從者減一等若本條言皆者罪無首從不言皆者依首從法其私越度關者律雖不言皆亦無首從各等語此案白武楊玉先經商同私出口外偷空金砂潛回內地賣錢分用嗣白武楊玉復偷越出口被防守瑪素卡監營兵楊煥季祿李友拿獲欲行送究白武楊玉畏懼送給白璽十觔楊煥等貪利縱放該督將白武楊玉均依民人無票私出

口外例杖一百流二千里貮縱之營兵楊煥等三犯
依守把之人知情故縱與白武等同罪俱擬杖流等
因咨部查白武楊玉兩次私出口外偷挖金砂如在
新疆地方應照新疆偷挖金砂之例不分人數砂數
分別首從將首犯略其私出口外之輕罪從重擬以
枷號充軍爲從偷挖金砂之犯罪止枷號充徒係屬
輕罪其無票私出口外按照律例係不分首從擬流
自應從重定擬若該犯等偷挖金砂係在內地並非
在新疆地方應計賊准竊盜論罪止擬杖仍從重照

受賄故縱與犯
同罪應分首從

私出口外之例不分首從擬流至營兵楊煥等得賄
故縱固應與白武等同罪該兵丁等如果不知白武
等偷挖金砂情事應止科故縱出口之罪惟查私越
度關律內守把之人知而故縱僅言同罪並無不分
首從之文而考之集解云應捕之人受財故縱者與
囚同罪仍分首從且名例亦稱不言皆者分首從法
是數人得賄故縱自應仍分別首從科斷究係何人
起意原否內均未聲明應否行該省再行訊明該犯
白武等私出口外偷挖金砂是否在新疆地方并係

賄縱與犯同罪
同律不應同例

何人起意爲首及營兵楊煥等受賄故縱係何人起
意爲首分別首從各按律例妥擬咨部再行核覆再
查名例內受財故縱與同罪律註云所得同者律耳
若律外引例則又不得而同焉是註內所稱律外引
例不得而同者自係因一事律輕例重推原定律之
時不知有例是以止與本律內罪名同科今律內越
度緣邊關塞僅止擬徒例內無票私出口外則罪應
擬流查出口卽係越度緣邊關塞是例文較律加重
此案楊煥等得賄故縱審定後仍應按照律註將楊

共犯不分首從
父兄毋庸加等

煥等依故縱越度緣邊關塞擬徒之律分別首從定

擬一併行令遵照辦理
道光三年說帖

河南司 查例載父兄子弟共犯姦盜殺傷等案如
子弟起意父兄同行助勢除律應不分首從及其父
兄犯該斬絞死罪者仍按其所犯本罪定擬外餘俱
視其本犯科條加一等治罪概不得引用爲從字樣
等語例既言律應不分首從者各按本罪定擬則父
兄子弟共犯殺傷之案例應不分首從定罪者卽不
在加等之列此案管柱一犯固屬兄助弟勢惟此例

弟池意販鴉片
兄與外人爲從

係不分首從辦理若仍行加等核與律應不分首從
按各本罪定擬之例不符自應毋庸加等以符例意
所有該撫議將管柱酌加枷號三個月之處應毋庸
議
道光七年說帖

廣東撫 吞潘亞太等販賣烟泥一案此案潘亞太
起意商同伊兄潘亞其并鄧成富等共夥七人販賣
鴉片烟泥二次前經該省將潘亞太依例擬軍潘亞
其等照爲從減等律擬徒經該司以潘亞其係潘亞
太胞兄係屬一家共犯應獨坐潘亞其以販賣之罪

父教令子造賣
贖具父八十歲
以上照一家共
犯別無以次尊
長應罪坐其子
擬軍因伊母年
逾七十仍准留
養伊父律不坐
罪道光五年直
隸司劉全德現
審案

潘亞太係屬卑幼應免置議以據該省覆稱潘亞太
係屬本案罪魁雖有伊兄共犯惟鴉片烟戕害生命
禍同鳩毒似應依侵損於人之律依凡人首從論可
否照原擬將潘亞太擬軍潘亞其等擬徒等因咨部
復經該司繕具駁稿內稱鴉片烟雖係可以害人之
物然販賣者意在圖利非有意於害人與關毆役傷
之損傷於人者迥殊買食之人皆由自願設因而致
斃不能坐以擬抵之罪卽不能科以侵損之條至與
販鴉片烟不准援減留養自係因其情節較重嚴辦

父子私鑄鉛錢
罪坐尊長其子
律得容隱免議
浙省吳廷元案
載偽造印信時
憲書等條廣南
司陳小亞六

示懲惟本部辦理一家共犯案件果係侵損於人雖
杖笞不能獨坐尊長儻非侵損卽斬絞亦難概等凡
人現在該省咨報外結徒犯冊內黃達盛等販賣鴉
片烟泥一案聲明黃達盛之子黃幅爽訊係知情惟
已罪坐其父例免治罪是該省於此等案件原不以
侵損治罪未便辦理兩歧潘亞其應改依興販鴉片
烟例擬軍潘亞太照律免議等因查鴉片烟雖能損
人而售賣圖利利無害人之心卽服食鴉片者亦不
必立致傷損核與律載關毆殺傷之類究屬有間且

現經該司檢出該省咨報黃達盛販賣鴉片烟成案
聲明伊子知情係一家共犯例免治罪亦可爲不作
侵損論罪之一證惟查該犯潘亞太起意糾夥販賣
同夥者並非止伊兄一人其鄧成富等五名俱係該
犯糾約今若將該犯予以免議是置該犯糾約鄧成
富等之罪於不問殊未允協潘亞太一犯自應仍依
與販鴉片烟爲首例枷號一個月發近邊充軍至潘
亞其聽從其弟與販按一家共犯不論造意罪坐尊
長之律亦應擬以軍罪但其弟潘亞太業因糾有外

販賣鴉片一家
共犯罪坐尊長

刑案匯覽

卷五

名例

人仍照首犯本罪科斷不得在卑幼免罪之列而該
犯潘亞其本屬為從又以係共犯尊長亦坐以軍是
弟兄罪無等差轉較兄從其弟損傷於人之案以凡
人首從論者為重揆之情法似失其平自應酌量間
擬潘亞其一犯應即酌照所犯為從本罪於首犯軍
罪上減等滿徒該省所擬各罪名尚無出入其指為
侵損於人之處究未的確應聲明咨覆

道光七年說帖

安徽司 查律載一家人共犯止坐尊長侵損於人

者以凡人首從論註云侵謂竊盜財物損謂鬪毆殺

三 共犯罪分首從

傷之類等語是律內侵損二字註釋詳明不得任意推廣致滋膠轕茲據該撫咨稱鴉片烟一物害命喪身其毒滋甚雖不肖之徒自行買食所致然不有販之亦誰得而食之乃產自外洋之物奸商帶入內地誘令買食但知牟利而不顧害人以致良家子弟得引成病因而喪生不可救藥其販也雖無侵損之心而有侵損之事請將一家共犯以凡人首從定擬等因咨部查鴉片烟雖係可以害人之物然販賣者止圖漁利非有意於害人如賭博可以損人財不得謂

造牌假者卽爲損人之事祇壽可以戕人命不得謂
貨祇信者卽有戕人之心參觀互證其意甚明且因
買食鴉片烟而自喪其生不能坐販賣者以擬抵之
罪自不能科販賣者以侵損之條核與律註鬪毆殺
傷之類情節迥殊況向來辦理興販鴉片烟一家共
犯無論是否尊長起意必以爲首之罪坐之所長者
誠以尊長有專制卑幼之義嚴尊長之罰斯父兄不
敢不約束其子弟而興販之風或可稍息若改依侵
損於人以凡人首從定擬則凡卑幼起意之案旣不

得歸罪於尊長卽尊長起意之案亦難保不卸罪於
卑幼是意欲從嚴轉恐開避就之漸於因時懲創之
道殊無裨益該撫請將與販鴉片烟一家共犯照侵
損於人以凡人首從定擬之處應毋庸議

道光十一年
說帖

犯罪事發在逃

監候待質盜犯
患成篤疾

安撫 咨監候待質盜犯青黃妹在監染患篤疾應
否收贖一案查例載監候待質人犯患盜不准寬釋
又篤疾犯一應死罪俱各照本律本例問擬毋庸隨
案聲請各等語又道光元年核覆直隸省請示案內
以情有可原盜犯恭逢上年八月二十七日

罪人被差拿獲
當即脫逃未便
加逃罪案載劫
四條支道遠

恩詔重賞二千板釋放原指罪狀已明者而言至監候待
質盜犯若將來拿獲逸犯供係該犯爲首或入室搜
賊罪在不赦未便遽准責釋議令酌量監禁二十年

如監禁已逾二十年者重責二十板卽予保釋其犯
事在

大赦以後監候待質者仍不准寬釋等因通行在案此案
青黃妹聽從胡六臨時行強據供蹲在夾道中間並
未入室搜賊拒傷事主因胡六等在逃無可指證照
例監候待質於嘉慶十九年四月題結在案今該省
以該犯在監染患篤疾事犯在

大赦以前可否收贖查該犯係例應免死減等發遣因罪
狀未明監候待質之犯倘將來拿獲胡六等到案供

粵西擬流盜犯
待質期滿保釋

係該犯入案投贓拒傷事主則該犯罪干斬決雖在大赦以前且已成篤疾亦係法無可貸自應照前議章程

俟監禁二十年限滿應行責釋之時准予收贖此時

未便遽議寬釋應將該犯仍監候待質

道光六年說帖

廣西撫 谷擬流盜犯周通待質期滿一案查道光

元年廣西巡撫請將該省免死發遣盜犯並未傷人

盜首聞拿投首等四項擬軍盜犯均係由斬決改為

軍遣脫逃應卽正法應一併不准援免等因奏准在

案又是年議覆直隸省盜犯曹七案內將監候待質

盜犯監禁已逾二十年者卽予責釋閩粵等省盜犯
係奏明不准援免俟監禁二千年後仍行發配等因
通行在案此案周通起意糾劫原任左豐州眷船衣
物患病未行該犯堅稱並未分贓賊盜劉老二等僉
供該犯應分贓物一股係交周亞晚帶去轉給因周
亞晚在逃未獲將該犯依造意不行又不分贓律擬
流監候待情嗣恭逢

恩赦擬以不准援免題覆在案該省以周通自嘉慶十年
九月初五日奉准部覆之日起扣至道光五年九月

初五日監禁二十年期滿逸盜無獲請將該犯照原擬發配其監禁年限係按照通行辦理惟該犯罪止擬流脫逃被獲不在正法之列卽非干不赦之條該省請照原擬發配係屬錯誤自應准其接免暫行保釋

道光六年說帖

夥賊不知強情
監禁年久保釋

山東司 查道光三年該省以徒犯張景監禁期滿咨請部示本部以聽從行竊不知行強之犯與情有可原盜犯有間將張景准予保釋在案此案丁明清與監斃之孫三丁明水及在逃之丁明寅等行竊李

東撫咨王二拒
殺事主脫逃案
內賊犯王有子
照積匪量減擬
徒遇赦未便保
釋嗣待質五年
期滿准其援免
保釋道光七年
說帖

壯鋪內錢物臨時行強該犯供止在外看人並未同
行上盜不知行強情事將該犯照行竊計賊擬杖監
候待質嗣恭逢嘉慶二十五年八月二十七日

恩詔據該省彙冊報部經本部以將來糾獲丁明寅等到
案如訊係該犯起意行強罪在不赦不准保釋題覆
在案今該撫以丁明清監禁已歷十二年可否保釋
請部示覆查丁明清夥竊不知強情計賊擬杖較之
免死盜犯結質者情罪懸殊核與該省張景之案相
同自應卽予援免保釋並免刺字

道光七年說帖

粵西盜犯先認
後翻待質年限

廣西司 查此案李老六因韋弟大家於嘉慶十二
年九月被盜行劫經韋弟大之妻韋氏供出火光下
見有素識之李老六將李老六獲案先據供認聽從
李三才等行劫入室搜贓繼則祇認在外把風並稱
亦未上盜其李三才等係縣役劉江教令扳扯是夜
係在蔣老晚家住宿並未出門傳訊蔣老晚亦無確
供因勒緝劉江並李三才等無獲罪名未能懸定將
李老六監候待質今該撫以該犯監禁已逾十年應
否照擬違盜犯監禁二十年查辦抑量予區別辦理

等因咨請部示查李老大雖曾經供認搜賊把風惟
覆訊時則稱並未上盜如果屬實卽係無罪之人其
事犯在嘉慶二十五年八月二十七日

恩詔以前雖粵西盜犯不准查辦惟核其情節究與實犯
有間固未便照軍流監禁十年之例保釋亦未便因
例無監禁明文八擬固應照本部奏定章程俟監
禁二十年期滿如果逸盜無獲再將李老大取具的
保釋放仍令飭緝縣役劉江並逸盜李三才等務獲
實訊明確分別辦理

道光五年說帖

強盜監候待質
恩赦酌定年限

直隸司 查律載監候待質人犯除強盜案件不應
寬釋外其餘人命等案遣軍流罪已過十年徒刑已
過五年杖罪已過三年軍流卽行發配杖罪保釋又
監候年限內恭遇

恩赦在逃本犯拿獲時例得減免者待質之犯准其查辦
省釋各等語是監候待質之犯遣軍流罪已過十年
卽行發配之例係專指人命等案而言強盜案件已
有不准寬釋明文而恭遇

恩赦則又必須在逃之犯在例應准免之列者方准查辦

如在不准減免之列者卽不應查辦省釋又上年八月二十七日欽奉

恩詔查辦死罪以下人犯經本部酌定條款擬將強盜法所難宥者不准援免至條款內所擬內河陸路情有可原盜犯酌加二十板釋放一條原指案犯罪狀已明者而言今據該督咨稱查有河間縣盜犯曹七因聽從逸犯林五行劫事主張士德家錢物并拒傷張士德案內訊係在外接贓一次將該犯審依情有可原例發遣因首犯未獲照例監候待質於嘉慶八年

題准部覆在案現奉二十五年八月二十七日

恩詔情有可原盜犯酌加二十板釋放該犯曹七係在應
救之列監候已逾十年亦足馴其強暴之氣應卽重
責二十板取保釋放並聲明凡有此等監候待質盜
犯監禁已逾十年者卽飭屬查明一律重責釋放等
因咨部查監候待質盜犯例內既不得與人命等案
按監禁年限一律查辦則該犯曹七雖監禁已逾十
年本不得照尋常問擬軍流監禁期滿之犯卽行發
配且現在

恩詔條款內強盜法所難宥者在不准援免之列則將來
拿獲逸盜到案如果供係曹七爲首或係入室搜賊
其罪卽在不赦現在罪狀未明自未便因其監禁十
年遽准保釋致與例文赦款不符惟查瘋病殺人之
案例須監禁二十年如果病痊始行釋放上年恭逢
恩詔經本部酌減年限奏准監禁已逾五年查看病痊卽
行釋放原以

赦典係法外之仁其本有年限者既可量爲寬減其本無
年限者自亦可仿照酌定此項情有可原監候待質

人犯所犯究係准免之罪止以首犯未獲罪狀未能
明確若格於成例既無法配年限又以首犯係不免
之罪不得仰邀釋免竟使該犯等躬逢

曠典

復頒斃囹圄殊非仰體

皇仁之道且脫逃重犯尚有四十年停緝之例而遇

赦得免之夥盜轉以首犯未獲囹圄沒世亦不足以昭平

允然竟照遣軍流罪十年決配之例則該犯等究係

免死盜犯未免又與尋常遣軍流犯無所區別應卽

仿照瘋病殺人酌減監禁年限之例將情有可原監

三
候待質盜犯於遣軍流犯十年決配例限上酌加十年如監禁已逾二十年者重責二十板卽予保釋仍俟緝獲逆犯質訊明確再行釋放如此酌定年限既可馴其強暴之氣仍使得需

浩蕩之恩以昭矜恤而免淹滯至閩粵等省情有可原盜犯係奏明不准援免者俟監禁二十年後仍行發配其事犯在

大赦以後監候待質者仍不准寬釋以符定例所有曹七一犯係嘉慶八年監禁現在未及二十年應令該督

仍將該犯監候待質俟扣滿二十年後再行拔

赦保釋並通行各省凡有此等監候待質盜犯事犯在

大赦以前已滿二十年卽行造冊報部核辦其未滿二十

年之犯俟監禁年滿陸續報部再行辦理

道光元年通行

監候待質奉准
部覆之日起限

察哈爾都統 咨監候待質人犯起限日期請部示

覆一案查嘉慶八年曾經河南巡撫咨請部示經本

部以此項人犯原因正犯無獲恐其狡詞推卸避重

就輕擬以監候待質當獲犯進監之日視犯之應否

開
候質尙在未確卽審訊時正犯之能否就獲亦所未
定自不便以未經結案之時卽准扣限應以准咨定
案之日爲始等因通行在案是監候待質人犯分別
罪名按限查辦總以接准部覆之日起限本部前次
通行業經明晰自可遵循辦理應咨覆該部統並通
行各省嗣後遣軍流徒杖罪人犯監候待質之案無
論題奏咨結統以接准部覆之日起限按其原定罪
名照例扣滿年限分別發配保釋以昭限制而免歧
異
嘉慶二十一年直隸司通行

候待質擬定
罪名方准起限

江西司 查例載人命等案正犯日久無獲爲從監
候待質人犯原擬杖罪已過三年督撫查明咨部核
覆取具的保釋放在外候緝獲正犯之日再行質審
又嘉慶二十一年本部通行內稱嗣後監候待質之
案無論題奏咨結統以接准咨覆之日起限按其原
定罪名照例扣滿年限分別發配保釋各等語此案
楊遊泮與在逃之楊春泮共毆總麻服兄楊三沉身
死據該犯供係楊春泮下手傷重旁無指證該撫將
楊遊泮依毆總麻兄律擬杖聲明業已監禁多年請

照杖罪人犯已過三年之例取保釋放俟緝獲正犯
楊春泮等再行質案等因咨部查監候待質案件應
以接准部咨之日扣滿年限再行查辦本部通行業
有明文今擬杖之楊遊泮雖經監禁多年惟現在始
據該撫擬罪咨部而又旁無指證自應遵照本部通
行候接准咨覆之日扣滿年限再行查辦該撫擬請
照杖罪人犯已過三年之例取保釋放係屬錯誤應
令該撫將楊遊泮照所擬杖罪監禁待質俟三年限
滿正犯有無弋獲再行分別辦理
道光十三年說帖

待質人犯罪已
援免分別遞籍

雲撫 咨流犯張鈞命等監候待質限滿保釋一案

檢查監候待質年滿週

赦援免各案間有在他省犯事遞回原籍保釋者亦有在
犯事省分保釋者辦理原不盡一伏思此等人犯遇
赦寬宥自應遞回原籍管束惟有原籍並無親屬而遷居
犯事地方已久娶有妻室置有田產似應即在犯事
省分取具的保釋放以省往返而免拖累且一經拿
獲首犯即可拘案質訊亦不致稽延時日例無明文
各該省原可隨案酌情辦理此案張鈞命何其昌陳

繼善劉日禮劉遇開五犯均因聽從莫中文等讐殺
邵宜等七命案內依從而不加功律擬流監候待質
今該撫以該犯等監禁十年期滿咨部核辦等因查
張鈞命等事犯在嘉慶二十五年八月二十七日

恩詔以前核其情罪非干不赦應准援免保釋如因該犯
等均籍隸廣東聲明應行遞籍保釋外省辦理恐多
窒礙應行令取保釋放俟緝獲逃犯傳案質訊其應
否遞籍及在犯事地方保釋之處仍聽該省酌量辦

理
道光四年說帖

蒙古待質盜犯
不照凡盜年限

熱河都統 咨監候待質遣犯賽哈拉十年期滿一
案查嘉慶二十五年據熱河都統咨拿獲逃遣台木
嘎照秋審免死減等人犯脫逃例枷責經本部以台
木嘎原犯係聽從行劫未傷人擬遣並非由死罪減
遣將該犯改依平常發遣人犯脫逃例枷責核覆又
道光元年議覆直隸省情有可原擬遣監候待質盜
犯曹七酌定監禁二十年再行查辦各在案此案賽
哈拉係聽從在逃之賽吉爾琿等強劫劉景王衣物
馬匹拒傷事主平復該犯供係賽吉爾琿起意伊止

在外接贓不知拒捕情事將該犯依蒙古夥聚強劫什物傷人其隨從人夥並未傷人者照刑例未傷人夥盜情有可原免死發遣例發雲貴兩廣當差仍監候待質嗣恭逢嘉慶二十五年八月二十七日

恩詔經本部以將來拿獲逸犯如訊係該犯起意強劫犯傷事主罪在不赦不准查辦仍俟監禁期滿再行核辦茲該都統以該犯監禁已滿十年聲明該犯並非由死罪減遣應照尋常遣犯例限查辦毋庸監禁二十年等因咨部查賽哈拉係僅止聽從強劫並未傷

人比照刑例未傷人夥盜情有可原科斷徑擬發遣
與刑例情有可原盜犯由斬決改爲發遣者不同且
該犯原擬罪名與台木嘎係同一例台木嘎既照平
常遣犯脫逃例枷責亦與免死盜犯脫逃被獲如逾
五日應卽正法者迥殊其監禁年限自應依尋常遣
犯一律查辦未便照免死強盜監禁二十年始准辦
理該犯於監禁十年期內雖恭逢

大赦惟案內有搶劫四項牲畜應照奏定章程所得遣罪
不准援免卽行發配俟緝獲逸犯再行分別辦理

道光四年直隸司說帖

山西司 查棍楚克達什係聽從逸犯布敦德勒格
爾等搶奪襲楚克等馬匹燒傷事主平復該犯供係
僅止聽從搶奪其燒傷事主並未下手將該犯照蒙
古強劫傷人案內情有可原發遣例發雲貴兩廣交
驛當差照例監禁茲察哈爾都統咨報該犯監禁已
滿十年自應照賽哈拉之案一律辦理雖事犯在

大赦以前惟案內有四項牲畜不准援免即將該犯照擬
發配如緝獲逸犯有應償之處再行提質

道光七年
說帖

蒙古偷竊牲畜
毋庸監候待質

江蘇司 查乾隆五十七年五月初一日欽奉

諭旨蒙古偷竊牲畜因首犯未獲久懸罔圖情亦可憫所有
監禁偷竊牲畜爲從之旺齊兒丹克畢克爾節各按本罪
發落嗣後俱照此例辦理又嘉慶元年正月二十九日奉
上諭嗣後各省辦理糾案搶奪拒傷事主及共毆等案如
遇首犯在逃將從犯按律擬罪監禁等因欽此欽遵各
在案查糾衆搶奪等案首犯未獲將從犯監禁之

旨雖在偷竊蒙古牲畜毋庸監禁

諭旨以後但係專指搶奪共毆等案而言至偷竊蒙古牲畜

一項特奉

恩綸毋庸監禁似應仍遵照前

旨辦理該司將朱子玉先決從罪似可照辦奉

批此案自可照辦所議亦候待質之

諭旨專指搶奪共毆之案而言亦係遵

旨但竊賊滿貫爲首在逃將已獲擬流之犯監候待質者

各司亦有自應通傳一

嘉慶二年說帖

每見蒙古偷竊牲畜案內有聲明係蒙古毋庸監候待質者而成案內又見嘉慶十八年熱河杏馮得祥偷竊蒙古牲畜十匹以上首犯在逃仍監候待質是否因民蒙不目記查蒙古則例

待質通逃者
准減卽三查辦

河撫 咨據署按察使崔景儀呈竊奉廣東撫院咨
准吏部咨廣東信宜縣待質徒犯陳士章因誘拐黃
胡氏嫁賣案內審依和誘知情爲首例擬軍事犯到
官在嘉慶十一年正月初四日欽奉

恩旨以前減爲杖一百徒三年因聖主馬恩進拐婦黃胡
氏日久未獲恐有避就情弊照例監候待質嗣於十
四年正月初一日復奉

恩詔例得減爲杖一百前縣張曾詩因誤會例意以監候
待質人犯不在減杖之內未經減杖保釋迨至十七

年三月監禁五年限內始據該縣查辦奉部查取該
管官遺漏查辦及各上司不行查察職名送叅本署
司前在廣東高州府在內失於查察部議照例降二
級調用銷去軍功加一級抵降二級等因查此案陳
上章誘拐黃胡氏嫁賣擬軍待質援

赦減徒復奉嘉慶十四年

恩詔例得減爲杖一百該縣並未查辦自屬錯誤惟陳上
章原犯擬軍援

赦減杖如照嘉慶八年部示待質人犯遇有援減應仍按

原犯罪名照原定年限羈禁則該犯雖已減杖仍應
照原犯軍罪自十二年五月十六日奉准部咨監候
之日起連閏計至二十二年待質十年之限屆滿始
得提禁保釋今此案奉大部以陳上章於嘉慶十四
年正月初一日恭逢

恩詔例得減爲杖責保釋是一經減杖卽應提禁責釋核
與八年間所奉部議不符嗣後在逃本犯拿獲時例
得減免者待質之遺軍流罪人犯監候年內恭逢

恩赦減徒應否卽行遞減年限發配抑仍照嘉慶八年部

示按原定罪名年限羈禁其由徒減杖由杖減免之
犯應否卽予分別提責保釋或仍俟年滿始行查辦
省釋之處合再詳請部示等因查例載監候待質人
犯如原擬遣軍流罪已過十年徒罪已過五年杖罪
已過三年者該督撫陸續查明咨部核覆應遣軍流
徒者照原擬罪名卽行發配應杖罪者取具的保釋
放在外俟緝獲正犯之日再行質審若監候年限內
恭遇

恩赦如在逃本犯拿獲時例得減免者待質之犯准其卽

行查辦省釋又凡人命搶竊等案正犯在逃未獲爲從應斬較監候人犯按例擬罪入於秋審分別情實緩決辦理毋庸監候待質應緩決者俟查辦減等時如係應行減等人犯卽照所減之遣軍流罪按定例限監禁待質十年限滿正犯無獲照例分別發配或限內遇

赦累減再照所遞減罪名按限查辦情實未勾者亦俟改入緩決准減之後一例辦理各等語是監候待質人犯羈禁年限內恭遇

恩赦在逃之犯例得減免者待質之犯既許其卽行查辦
省釋則原犯遣軍流罪均應照所減罪名按限查辦
若由徒減杖由杖減免之犯更應分別提實保釋前
於八年據河南巡撫咨稱待質之犯恭迺

恩赦作何聲扣限期咨請部示本部議令此等監候待質
人犯遇有援減仍應按原犯罪名覈禁核與定例未
符至廣東省咨徒犯陳上章監禁年滿該縣遺漏查
辦一案緣陳上章因誘拐胡氏嫁賣依和誘例擬軍
事犯在十一年

恩旨以前減爲杖一百徒三年因娶主及被拐之婦未獲
監禁待質該犯羈禁限內恭逢十四年

恩詔例得減杖責釋該縣遺漏查辦原咨查取職名送部
查議係屬按例辦理並無錯誤惟是監候待質各犯
如監禁年限內恭遇

恩赦例得減免者卽各照所減罪名按限查辦恐各省間
有仍按原犯罪名照原定年限羈禁致與例意未符
應通行各省查照辦理

嘉慶二十年通行

安撫 咨奉准通行監候待質人犯如監禁年限內

待質遇赦減等
應照例限核辦

恭遇

恩赦例得減免者卽各照所減罪名按限查辦等因細釋部文並無應查在逃之犯字樣是否專指恭遇

恩赦雖在逃之犯例不准減而待質之犯其所犯本罪在赦款准減之列者亦准一體按限查辦抑或仍應查明在逃之犯准減者方准減免未奉分晰指示再通行內所指例得減免者按限查辦之處設有流罪人犯監禁已經四年恭遇

恩赦例准減徒者應否仍照徒罪年限補禁一年再行發

配抑以遇

赦之日卽行發配又如徒罪人犯監禁已經二年限內恭
遇

恩赦例准減杖者應否仍照杖罪年限補禁一年方准發
落抑或遇

赦之日卽准提實保釋又待質流犯已禁五年徒罪已禁
三年恭遇

恩赦例得減徒減杖應否卽行發配實釋例內均無明文
應請示遵等因查例載爲從監候待質人犯如原擬

追軍流罪已過十年徒罪已過五年杖罪已過三年者該督撫陸續查明咨部核擬應遣軍流徒者照原擬罪名卽行發配應杖罪者取保釋放俟緝獲正犯再行質審若監禁年限內恭遇

恩赦如在逃本犯拿獲時例得減免者待質之犯准其卽行查辦省釋又人命搶竊等案正犯在逃未獲爲從應斬絞監候人犯按例擬罪入於秋審分別實緩辦理毋庸監候待質應緩決者俟查辦減等時如係應行減等人犯卽照所減之追軍流罪按定例限監禁

待質十年限滿正犯無獲照例發配或限內遇

赦累減再照所遞減罪名按限查辦各等語前條係軍流
徒杖人犯監候待質按限查辦之例後條言死罪人
犯不准監候待質必俟緩決減等後方准與軍流人
犯按限監禁待質係補前條所未備如監禁年限內
遇有

恩赦待質人犯應否查辦減釋亦應照前條所載視在逃
正犯應否減免再斷兩例互相發明極爲該備至嘉
慶二十年本部通行內聲明監候待質各犯羈禁年

限內恭遇

恩赦在逃之犯例得減免者待質之犯既許其卽行查辦
省釋則原犯遣軍流罪均應照所減罪名按限查辦
若由徒減杖由杖減免之犯更應分別提責保釋等
語原咨內載明在逃之犯例得減免字樣與現行條
例本自貫通咨內又稱監禁年限內恭遇

恩赦例得減免者卽各照所減罪名按限查辦等語所稱
例得減免者卽約舉前條例內在逃本犯之減免並
待質各犯之查辦省釋而言逃犯遇

赦准減者待質人犯卽予查辦逃犯遇

赦准免者待質人犯卽予省釋若在逃之犯於例不准援
免則待質人犯卽不應准其查辦省釋仍應按原定
年限監禁通行所載言簡意該並無歧誤設有流罪
人犯監禁已經四年遇

赦例准減徒者自應仍照徒罪年限補禁一年若已逾五
年者應卽行援減發配或徒罪人犯監禁已逾二年
遇

赦例准減杖者應仍照杖罪年限補禁一年若已逾三年

其段餘人待質
期滿授赦保釋

者應卽援減發落省釋通行內照所減罪名按限查
辦字樣亦極明曉惟既經該省請示恐各省亦有誤
會應再通行一體遵照

嘉慶二十三年說帖已通行

東撫 咨擬杖待質之候和尚遇

赦例得減免應否卽行保釋一案查監候待質人犯羈禁
年限內恭遇

恩赦在逃之犯例得減免者如待質之犯由杖減免應卽
提禁保釋曾於上年陳上章案內詳細聲明通行在
案此案前據該省咨報侯和尚張九二犯均於十八

年因劉墜砍死蔡四案內照共毆餘人律擬杖劉墜
在逃未獲將該犯等監候待質嗣奉十九年

恩旨例得減免自應按照通行提禁保釋該司議令取具
前保仍飭緝逸犯到案再行傳質尙屬允協應請照
辦

嘉慶二十一年說帖

待質之犯應先
擬定罪名監禁

北撫。咨未定罪監候待質人犯應如何分別年限
查辦例無明文咨請部示查審理案件如現犯稱逃
者爲首應訊取供詞擬定罪名監候待質故例有按

照原擬罪名分別年限查辦明文並無未定罪名監

候待質人犯作何辦理之例今該省冊造監候待質
之案共十三起職等檢查原案詳細酌核其中情節
不一有應催提人證速行訊結者或現有證佐在案
應卽詳訊定擬者或案情本無疑實承審官審理不
善以致遷延未結者該省從前並未擬定罪名卽聲
請將各該犯監候待質現在礙難辦理惟既據彙咨
請示自未便仍行日久稽延應卽逐案核明行令查
照辦理 嘉慶二十二年說帖

廣東撫。咨待質流犯王乙婢監禁期滿一案查王

謀殺卑幼爲從
擬流待質期滿

乙婢因聽從在逃之王賴仔謀殺該犯小功堂弟王
仙仔身死加功該犯稱係王賴仔爲首並無屍親證
佐可憑將該犯依尊長謀殺卑幼爲從各按服制依
爲首之罪減一等於故殺小功卑幼絞罪上減一等
擬流恭逢嘉慶二十五年八月二十七日

恩詔經該省造冊送部本部以將來緝獲王賴仔到案如
訊係該犯爲首即在不准援免之列議以不准保釋
行令俟監禁期滿報部核辦今據該省咨稱監禁已
屆十年逃犯未獲請將該犯照擬發配並聲明事在

赦前係謀殺卑幼下手加功貪賄圖詐不准援免雖母老
丁單亦不准查辦等因查嘉慶二十五年

大赦不准援免章程內所載謀殺造意及貪賄挾嫌因姦
因盜從而加功及誅殺卑幼致死依故殺法理曲殘
忍二條俱係指死罪人犯而言今王乙婢聽從謀殺
罪止擬流自應准其援免仍取具的保暫行保釋俟
緝獲王賴仔質訊明確再行釋放所有親老丁單之
處應毋庸議

道光六年說帖

湖廣司○查向來辦理搶竊拒捕從犯被獲稱逃者

罪關軍徒出入
即應監候待質

爲首之案如從犯罪應徒二年半首犯亦罪止滿徒
從犯罪應杖九十首犯亦止應滿杖之類俱以首從
罪名不甚相懸照律先決從罪至罪關軍徒出入則
輕重懸殊自應照例監候待質不得以罪名無關生
死概免監禁致啟狡供避就之端此案李明有起意
糾竊事主李英明家乘夜共夥六人竊得牛驢牽出
李明有等復進內竊得錢物李英明驚醒喊捕各犯
逃出手內尙攜贓物夥犯龔幅海慮恐事主追出將
贓奪去用棍敲打門板嚇禁李明有等亦墮同拾取

茲夫自殺其夫
姦婦不知情如
當時喊救與事
後首告尙有不
忍致死其夫之
心者例得擬罪
次發聲請之案
因姦夫在逃未
獲將姦婦照律
擬罪聲請減流
正照流罪人犯
監禁待質嘉慶
二十年東省王
陳氏毋庸歸入
秋審案內通行

碑石望空擲打搗賊而逸旋將李明有等緝獲供係
在逃之龔幅海起意嚇禁拒捕該省將李明有依竊
盜雖離盜所臨時護賊格鬪拒捕未經成傷首犯發
近邊充軍例爲從擬杖一百徒三年聲明該犯所供
護賊拒捕係在逃之龔幅海起意因屬一面之詞並
無證據惟僅止軍徒出入無關生死罪名將來龔幅
海就獲如供係李明有爲首無難提訊改正可否毋
庸待質咨部核示查李明有聽從臨時護賊拒捕未
經成傷例止擬徒黨係爲首則例應擬軍首從罷咨

二命止認一命
酌量年限待質

出入懸殊既別無證據目應照例監候待質俟限滿
有無弋獲再行照例辦理

道光六年說帖

東撫○咨援免絞犯王澤璞監候待質請定年限一
案查此案王澤璞因族姪王曰雲之兄王曰林糞車
誤壓該犯之兄王澤環莊稼互相爭毆王曰雲與其
總麻服叔王美中趕往相幫該犯刀扎王曰雲身死
惟時王美中亦在場受傷殞命前經該省以該犯僅
止供認刀扎王曰雲致斃其王美中一命供係在逃
之王澤禮所扎將該犯依圖殺律擬絞監候事犯在

嘉慶二十五年八月二十七日

恩詔以前應准免罪因王美中一命是否係在逃之王澤禮扎斃旁無指證恐有避就將該犯監候待質等因題結在案今該省以王澤禮弋獲無期王澤瑛應否酌定年限抑或保釋等因請示查王澤瑛扎傷族姪王曰雲身死所得絞罪業經援免惟王美中一命該犯供係在逃之王澤禮扎斃如果屬實該犯卽係無罪之人儻王美中一命亦係該犯扎斃王曰雲與王美中係屬總麻叔姪與該犯均係無服該犯毆斃一

家二命罪應絞決離在

赦前不准援免固未便因王澤禮日久無獲將該犯淹禁
囹圄亦未便將該犯遽行保釋查該犯扎斃王曰雪
一命如未遇

赦秋審緩決減等時應行減流按例照所減罪名查辦自
應將該犯比照流犯行賈之例酌限十年逸犯有無
弋獲再行照例辦理

道光七年說帖

兩次刃傷事主
止認一次待質

東撫○咨援免絞犯李成監候待質請定年限一案
查此案李成因聽從行竊事主王公林家驢頭搗賊

先遁夥賊王元被追拒捕刃傷事主王公林右胎膊
逃遁嗣該犯復與王元等行竊事主劉興偉家牛隻
該犯被事主追獲情急圖脫用刀拒傷事主劉興偉
左手腕平復前經該省拿獲該犯李成依刃傷事主
例擬絞監候事犯在嘉慶二十五年八月二十七日
恩詔以前應准免罪惟該犯所供王公林係在逃之王元
拒傷究屬一面之詞將該犯仍行監候待質等因題
結在案茲據該省咨稱迄今六載有餘王元未獲應
否酌定年限抑或保釋等因請示查李成刃傷事主

劉興偉較罪業已援免因尚有夥竊刃傷事主王公
林一案該犯供係在逃之王元拒捕刃傷如果縱獲
王元到案供明屬實該犯係屬無罪之人即使王元
到案質明王公林亦係該犯拒傷是該犯兩犯刃傷
事主亦祇應照奏定章程入於秋審緩決減等時減
發極邊烟瘴充軍今王元日久未獲待質無期未便
將該犯終身羈禁惟罪案尚未分明亦未便遽行保
釋自應將該犯卽照刃傷事主緩決減等擬軍之例
監禁十年逸犯有無弋獲再行分別辦理

道光七年
說帖

誘畧二人待質
期滿援免保釋

東撫○咨張桂子姦拐田楊氏擬軍監禁已滿十年
可否取保一案查張桂子與田楊氏通姦誘拐嫁賣
已據審明擬軍事在嘉慶二十五年八月二十七日
恩詔以前准予援免其田楊氏供指該犯將其女田雲姐
交劉馬氏償賣一節即便審實應照例擬絞亦不在
不准援免之列其事既在

赦前自毋庸論擬軍擬絞均准援免應令保釋

道光七年說帖

聽從盜賣官銅
待質期內遇赦

北撫○咨流犯沈正順等待質期滿一案查例載監
候待質搶竊等案遣軍流罪已過十年照原擬罪已

發配等語又嘉慶二十五年八月二十七日恭逢

大赦本部查辦減等凡首從各犯俱罪在不赦雖首犯在逃未獲從犯應俟監禁期滿照原擬發配如從犯之罪應准援免卽予保釋應經辦理有案此案沈正順朱全高聽從在逃之帥貴監賣雲南同知邵翔領運官銅定案時供係帥貴起意爲首將該二犯照竊盜庫貯錢糧數至一百兩以上爲從例擬流照例監候待質嗣恭逢二十五年八月二十七日

恩赦據該省彙冊報部本部以該犯待質年限尙未屆滿

且帥貴在逃未獲罪名出入攸關將沈正順等擬以
不准保釋題覆在案今據該撫以沈正順朱全高監
禁十年期滿可否援免抑或發配請部示覆等因查
沈正順朱全高前因聽從盜賣領運官銅供係在逃
之帥貴起意爲首將該二犯照爲從例擬流該犯等
於監禁期內恭逢

大赦核其情罪不在不准援免之列今監禁期滿所擬流
罪應准援免并准起除刺字分別遞籍取具的保釋
放俟緝獲逸犯再行提質辦理至該犯等所得贓銀

命米擬杖之犯
遇赦仍應監禁

前據該省審明均係赤貧著落分賠應令速飭上院
分賠俟完繳之日咨報戶部備查
道光七年說帖

奉天司口查此案祝泳幅與尤占奎屈開幅等合夥
種烟雇李芳招烟嗣王自義走至祝泳幅留王自義
同屈開幅等飲酒後尤占奎找牛出去祝泳幅等四
人飲醉王自義向李芳討欠致相爭罵祝泳幅同屈
開幅勸阻不住令屈開幅往找尤占奎去後王自義
等揪扭起來將燈踢滅李芳乘空用刀將王自義砍
傷身死逃逸前據該將軍將尤占奎先行發保將祝

詠幅屈開幅暫行收禁等因各部本部以李芳用刀
戮傷王自義身死僅係祝詠幅等一面之詞難保非
因李芳在逃捏詞希圖避就行令該將軍提集人證
詳細研鞫去後茲據該將軍咨稱王自義係被李芳
戮傷身死祝詠幅等並未力阻致釀人命又不將兇
犯拿獲將祝詠幅屈開幅尤占奎等均照不應重律
擬杖援免可否毋庸監候待質等因查王自義受傷
身死之處雖據該將軍訊係李芳用刀戮傷惟李芳
現在脫逃當場祇有祝詠幅一人難保非恃無質證

狡供避就自應將沈幅照律擬杖監候待質該犯
事犯到官在道光八年十一月初九日

恩詔以前所得杖罪應予援免仍照例監禁嚴拿逸犯李
芳到案質訊俟三年限滿李芳有無弋獲再行分別
辦理屆開幅尤占奎俱未在场所得杖罪應予覽免
卽行釋放 道光九年說帖

拒殺差役犯供
不符監候待質

川督 題李宗佑聽從在逃之沈惻和等拒捕殺死
差役羅文遠並吳世複幫同助勢一案查此案李宗
佑吳世複均未行竊因在逃之沈惻和等犯竊聞拿

逃走邀令吳世複李宗佑一路幫護同至野寺內住歇做飯差役羅文遠等殊不知往捕沈炯和起意拒捕各犯允從各執刀棍一齊擁出吳世複畏懼先由後門而逃沈炯和用刀將羅文遠戳傷倒地李宗佑用木棍頭連撞羅文遠左乳兩下差役羅倖唐炯隴亦不知被何人戳傷倒地李宗佑當被拿住沈炯和等逃逸吳世複被拿獲羅文遠羅倖唐炯隴先後殞命查李宗佑聽從拒捕致斃差役業據供認川棍幫拒二傷本罪已應絞候按例不准監候待質該省將

原場會匪待質
過赦不准查辦

該犯依犯罪事發官司差人拘捕殺死差役爲從習
毆有傷例擬以絞候與例相符至吳世發一犯據稱
常沈幗和等拒捕殺差之時該犯畏懼先已逃逸並
未隨同拒捕而現獲之夥犯李宗佑則稱該犯係在
場拒捕第未看明何人供情既不符合罪名卽難懸
斷口應緝獲逸犯沈幗和等質訊辦理該省將吳世
發監候待質亦屬允協並請照覆
嘉慶二十一年說帖
廣東司 查例載關粵等省不法匪徒潛謀糾結復
興添第會名目搶劫拒捕者首犯與曾經糾人及情

愿入夥希圖搶劫之犯俱擬斬立決等語此案會弗
組前因獲犯鍾靈明供稱該犯聞知曾阿蘭欲結拜
添弟會同鍾靈明廖五滿等商允帶同前往結拜傳
授口訣分受錢布續獲該犯訊不承認將該犯監候
待質恭逢嘉慶二十五年八月二十七日

大赦不准保釋茲據該撫以該犯係鍾靈明商同結拜如
果獲到曾阿蘭訊與原審相同會弗組亦止擬遣業
已監禁十五至之久請比照監候待質遣犯已過十
年之例即予保釋俟緝獲逸犯再行審辦等因咨部

本部檢查原案粵省先獲之鍾靈明供係該犯邀其
同向曾阿蘭結拜入會甚屬確鑿迨關獲該犯解粵
訊不承認時鍾靈明因輾轉傳徒審擬斬決先經正
法廖五滿因轉糾夥黨審擬斬決在監病故此外一
無實證恐係狡詞卸罪將該犯遞回監禁俟將來緝
獲曾阿蘭如果質明該犯實未到場固屬無干之人
若與鍾靈明所供無異該犯卽係曾經糾人之犯罪
應斬決乃該撫聲稱罪止擬遣復將該犯邀同鍾靈
明等入會重情作爲鍾靈明商同該犯前往核與原

案情節不符且查此等人犯例內並無監禁年限從

前

赦款亦無酌予年限准其保釋明文此次恭逢

恩詔又在不准查辦之列自未便遽予提禁保釋致滋事

端所有該撫請將會弗組保釋之處應毋庸議

道光九年說帖

川匪增劫待質
仿解強盜年限

四川司 查例載人命搶竊等案有正犯在逃未獲

現獲從犯問擬遣軍流罪監候待質者如過十年照

原擬罪名即行發配又道光元年據直隸總督咨監

候待質擬遺盜犯曹七羈禁十年恭逢

大赦應否查辦一案經本部以曹七係情有可原免死盜犯因首犯未獲監候待質酌議監禁二十年再行查辦並通行各省在案此案監候待質人犯毛老十因正法之朱九九與在逃之川匪鐵大五等奪犯傷差並同夥八人搶奪拒捕案內該犯供稱實止獨竊兩次夥竊一次並未隨同搶劫拒捕囚鐵大五等在逃未獲將該犯監候待質嗣恭逢嘉慶二十五年八月二十七日

大赦經本部以該犯如果隨同川匪搶劫奪犯傷差罪在不赦不准保釋咨行該省將該犯監候待質在案茲據該督咨稱該犯監禁已屆二十年提訊該犯並未隨同搶劫拒捕可否將該犯毛老十保釋之處咨部示覆等因查該犯毛老十係川匪搶劫拒捕案內監候待質入犯與強盜案內監候待質人犯例不查辦者情事相同雖前經恭逢

大赦不准保釋惟現在監禁已屆二十年而逸犯尚未就獲未便仍行監禁致令久滯囹圄自應比照直隸省

妄認夥盜待質
十年未便保釋

監候待質盜犯曹七成案一體保釋以昭平允應令
該督將毛老十卽行取具的保釋放俟緝獲逆犯饒
大五等質訊明確再行辦理

道光十二年說帖

江蘇司 查例載監候待質人犯強盜案件不應寬

釋等語此案馬三本係竊賊因周學曾家被劫經捕
役將馬三拿獲嚴訊行劫案件馬三恐受重刑卽妄
認行劫該事主家又將借貸有嫌之朱文貴曹合及
素識之滿玉等扳作同夥並以另案行竊之物作爲
原贓迨經事主認非原物質訊滿玉等均不承認始

據馬三供明實係畏刑妄認誣扳前據該撫擬將馬
三暫行監禁奏結在案茲據該撫咨稱查逸盜弋獲
無期該犯馬三原案並未擬罪監禁已逾十年可否
先將該犯保釋之處咨部示遵等因查馬三始則供
認聽從行劫繼則供稱畏刑妄認前經該撫奏明暫
行監禁原以杜避就而成信讞且係強盜案件例不
應寬釋未便因已監禁十年卽行保釋致與定例不
符應令該撫嚴緝逸盜務獲質明辦理

道光十二年
說帖

江西司 查監候待質之例係專指現獲之犯稱逃

正兇業已承認
焉能監候待質

者爲首恐有避就情事者而言從無正犯業經承認轉囚餘犯及見證未獲令其羈禁待質之理今王人和因郭善幅向王勉仔追毆趕往攔阻截傷郭善幅身死雖王勉仔及見證袁松太尙未到案惟已據王人和供認確鑿自應按律擬抵卽恐王人和有聽從王勉仔賄囑頂兇情事亦無難向王人和等虛衷研鞠以成信讞豈得僅憑屍親發執之詞遽令監候待質且問擬軍流徒杖待質人犯例有定限准其發配保釋至死罪例不待質亦無查辦年限設使逃犯

拒殺爲從絞罪
援免仍應待質

久無獲必致現犯終老囹圄殊非清釐庶獄之道況
細核案情王勉仔果能賄囑王人和頂認正兇必能
賄囑袁松太隨同誣證即使袁松太等破獲到案所
供亦屬難憑又何必置現犯於不問致令案懸莫結
所有該撫請將王人和監候待質之處臣部礙難率
覆應令提犯研鞫確情按例妥擬具題道光十二年
說帖
安徽司 查此案曹四十因聽從行竊拒傷事主徐
三洪身死該犯幫毆刃傷審依竊盜棄財逃走拒捕
殺人爲從刃傷例擬絞監候事犯在嘉慶三十五年

八月二十七日

恩詔以前所得絞罪應准援免加責二十板釋放惟該犯
供係在逃之馬三下手傷重難保無避就情事將該
犯照例監候待質等因題結在案今該撫以曹四十
可否卽照杖罪人犯監禁年限責釋抑或酌加年限
咨部示覆等因查曹四十聽從行竊拒捕殺人爲從
刃傷所得絞罪業經加責援免惟供係在逃之馬三
爲首拒捕殺人如馬三到案供認屬實該犯卽應責
釋倘係該犯爲首拒捕殺人恃無質證狡供避就是

係爲首拒捕殺人罪應擬斬之犯雖在

赦前不准援免固未便因馬三日久無獲將該犯終身羈
禁囹圄亦未便將該犯遽照杖罪監禁三年之例卽
行保釋查拒捕殺人爲從刃傷最絞之犯如秋審入
於緩決卽未遇

大赦於減等時亦應減軍自祇可將該犯按照所減罪名
查辦應將該犯比照軍犯待質之例酌限十年逸犯
有無弋獲再行照例辦理

道光十年說帖

山西司 查例載各州縣遇有鬪毆傷重不能動履

兩造供詞不符
未便遽行待質

之人經地保人等指報到官該管官卽行帶領作作
親往驗看訊取確供定擬保辜等語誠以人命至重
不可稍涉因循故先訊取確供使屍親兇犯俱無狡
執避就之弊此案趙開旺扎傷段鳳翎至餘限外因
傷身死前據該撫審將趙開旺依闕殺辜限外因傷
身死照刃傷人律擬徒並以屍子段有理供係挾嫌
謀斃指有同謀加功之趙開懌等在逃未獲無憑質
訊將趙開旺監候待質經本部以案情例意殊未允
協駁令詳訊妥擬去後竝據該撫以段鳳翎與趙開

旺等本有訟嫌段鳳翎從廟內看戲回家走至廟後
被趙開旺扎傷歷訊屍子段有理堅供伊父受傷回
舖向伊告知被趙開旺與弟趙開綢趙開世並子趙
有則將伊扎傷並聞有已經扎死不必動手之語聽
係趙開綢聲音質訊人證徐奇等亦僉稱段鳳翎受
傷之後曾向伊等告述係被趙開旺弟兄父子所扎
而趙開旺堅供係伊一人與段鳳翎口角起釁一時
用刀扎傷並無欲殺之心此案屍親人證所供情節
確係挾嫌謀殺而趙開旺抵死不承難以徒事刑求

該犯是否首先造意抑係聽從加功應俟獲到趙開
輜等質訊明確再行按例定擬仍將趙開旺監候待
質等因咨部本部詳核案情段鳳翎於被扎後既能
向伊子段有理並徐奇等述告被趙開旺與弟趙開
輜等商謀同扎並聞趙開輜說已經扎死不用動
手之言何以該縣初驗時指爲受傷昏迷不能取供
且段鳳翎自受傷距身死之後已閱半載有餘趙開
旺又係卽時到案非續獲可比承審官稍加詰訊是
謀是鬪儘可早爲定擬何以始終未取生供以致留

此疑實況段鳳翎於散戲甫至廟後卽被扎傷如趙
開旺所供被扯爭吵起釁屬實何以並無聽聞之人
而趙開暢等如非商謀同扎其在家在外亦必旁有
證據總之此案趙開旺果止鬪毆未便任聽屍親誣
執若係挾嫌謀扎尤難任聽狡避乃該撫前將該犯
依刃傷人律擬徒迨經駁審仍未訊明確情既未擬
定罪名又非稱逃者爲首率行監禁設趙開暢等始
終未獲何以釋冤濫而雪沉寃應令該撫轉飭原審
之員查明有無問及生供並遴員再行研鞫實情按

兇犯已認案無
礙待質

律妥擬 道光十一年說帖

貴州司 查審理人命案件必嚴究兇犯確供屍身
下落方可定讞不得將無辜之人濫行坐罪若證據
可憑卽應按律擬結尤不得將訊出之正兇巧爲開
脫致滋竄縱此案彭老滿同陳老三向熊麻老七索
討賄欠熊麻老七不認聲言彭老滿等誘賄欲同告
知伊父控究當卽跑走彭老滿恐被控告起意將熊
麻老七致死滅口與陳老三商允一同趕上將熊麻
老七推跌倒地用繩勒死擡放土坑掩埋而散後陳

老三復因吳思義向伊索欠爭鬪拾石將吳思義摸傷身死將屍拉至廢塚坑內用土掩埋旋被訪獲該撫以該犯等雖經供認情節可疑又無屍傷見證可憑似應將該犯等監候待質惟例無將供認確鑿應擬斬絞人犯待質之條應否卽行按律定擬抑須獲屍辨驗或另查確證再行擬結之處咨請部示等因查彭老滿等謀殺熊麻老七並陳老三毆斃吳思義各身死既經拘傳該犯等到案供認卽應驗訊確鑿照例定擬何得任意延宕且該犯等俱係因索欠起

意將熊麻老七等殺死其埋屍滅跡之事均在白晝
豈無一人見聞卽謂屍身被野獸殘食屍骨不全該
屍所穿衣履未必絲毫全無何難令屍親辨認况案
係訪聞並非告發該州於何處訪問亦無難從此根
究實據乃承審官於訪問後拘傳兇犯到案一一供
認復因其釁起細微屍骨無存猶豫莫決遽請監候
待質查死罪人犯供逃者爲首尙應按例擬罪不准
待質豈有正兇業已供認因無實據遂予監禁致使

兇犯倖稽顯戮之理若該犯等實係無辜畏刑誣認

資送兇犯脫逃
審明再行待質

則應抵者遠颺無獲被屈者待質無期將致痕斃罔
圍尤非慎重人命之道該撫於此等真正命案並不
悉心研鞫拘傳要證質訊明確率行咨請部示本部
礙難懸揣定擬應令該撫遴員提犯研究確情按律
妥擬 道光十一年說帖

吉林將軍 咨張瑞被人扎死案內佛雲監候待質
一案此案佛雲因與張瑞合夥領票承砍木植邀張
交夾在店幫忙張瑞由山放下木排被冲經潘玉平
撈去木墩六根張瑞查知卽向潘玉平訛索

百

吊潘玉平託佛雲等說合將木墩作錢二十吊給張瑞各散嗣張瑞來店聲稱潘玉平撈其木墩對錢入十吊已收二十吊尚短六十吊令佛雲拿出與其還帳佛雲與之爭論張文爽在旁以張瑞平空訛人並向張瑞索討牛骨髓油錢張瑞說錢已交給王立欲同張文爽往王立家對去張瑞先走出店張文爽攜帶撲鎗尾隨佛雲跟出店外查看旋即回店脫卧嗣張文爽回店告知將張瑞用撲鎗扎死令佛雲給其盤纏逃往東山藏匿佛雲給錢二吊放走總後聲張

嗣令苗秀給張瑞之子張連玉送信報驗審悉前情
該將軍以佛雲難保無同謀縱逸情事將佛雲監候
待質等因查張文爽向張瑞索欠欲赴王立家對質
出門時若無謀殺之心何故身帶撲鎗佛雲若不知
張文爽謀殺確情何故跟出門外查看張文爽又何
肯於扎斃張瑞後卽向佛雲告知令其資給盤費逃
走詳核情節張文爽與佛雲情好甚密佛雲所供不
知張文爽逃匿之處殊難憑信誠難保佛雲無同謀
加功情事案關人命各供殊多閃爍自未便草率定

死罪不准待質
駁令研訊定擬

謀應駁令嚴審務得確情倘佛雲堅供實無同謀情
事則其知人謀害他人資送正兇藏匿亦罪有應得
應按律擬罪監候待質

道光六年奉天司說帖

直督 奏劉二等結夥驅羊拒毆吳彥如身死一案
此案劉二與同民哈三阮興濛馬三等合夥販羊因
羊隻驚跑踐食麥苗被村民趕打該犯用鐵箍木棍
將村民吳彥如毆打致斃該省將劉二依鬪殺律擬
絞監候並聲明劉二所持兇器既未起獲當時乘坐
馬匹及被毆之人所執器物與案證尙清所供不符

恐有賄囑頂兇情事將劉二與擬軍之哈三阮興隆俱監候待質等因具奏查審問命案全以傷痕部位爲憑而監候待質之例係指犯在軍流以下者而言至問擬死罪人犯毋庸監候待質例內已有明文茲劉二用鐵箠木棍向村民頭上毆打一傷倒地旣據該省聲明與驗已死吳彥如受傷部位分寸相符其所供吳彥如年貌服色亦與屍親人等供詞脗合是劉二確係毆死吳彥如正犯卽應照律擬絞入於秋審辦理不得監禁待質若謂兇器未獲及劉二所乘

續獲首犯翻供
未便監候待質

之馬並死者所持之械與案證供詞未符恐有賄囑
頂兇情弊則尤當虛衷研鞠按律妥擬期無枉縱該
省將劉二問擬絞候復聲明監候待質之處核與案
情例意未符應交司擬駁

道光七年說帖

蘇撫題續獲夥搶王侯氏並拒傷王珠身死案內
逸犯梁二有王三幅二案該省因訊明梁二有聽從
施和尚糾約轉邀王三幅等搶奪王侯氏已成其拒
傷王珠身死梁二有供係施和尚下手王三幅供認
聽糾同往均未幫拒將梁二有王三幅均依搶奪婦

女爲從例擬絞監候分案具題

職

等查例載聚衆夥

謀於素無瓜葛之家入室搶奪婦女已成爲首斬立決爲從絞監候拒捕殺人者下手殺人之犯斬決梟示並未帶毆各犯仍分別已未搶獲婦女本例問擬等語此案先據該省拿獲張揚年單來幅到案據供係聽從梁二有糾往幫搶將張揚年等俱依搶奪婦女爲從例擬絞監候題准在案現據該省題稱續獲梁二有王三幅到案訊係施和尚起意糾搶王侯氏嫁賣邀尤梁二有糾夥幫搶因恐梁二有所糾之人

與施和尚不識未肯同往囑其不必言明梁二有營
邀張揚年單來幅王莊幅並在逃之王磨入夥同施
和尚並施和尚刺往之楊四等共夥十一人齊至王
珠莊前王三幅中途被石絆跌落後比至王珠門首
施和尚已撞門與梁二有楊四進院梁二有在院等
候施和尚與楊四入室將王侯氏架出氏翁王珠趕
向攔阻被施和尚拒傷即將王侯氏搶走並將搶得
衣服一件交王三幅接收因夜已深將王侯氏就近
背至王三幅家與王三幅嫡母同寢未被姦污次早

王侯氏乘間逃走被王三幅追回拔見梁二有令其
領去梁二有始將施和尚起意搶賣緣由告知其王
珠旋即因傷身死

職

等詳核案情梁二有夥搶王侯

氏該犯糾夥四人現獲張揚年輩來幅王三幅三名
俱供係梁二有起意先後如出一口如果屬實梁二
有罪應斬決惟梁二有又供係在逃之施和尚爲首
該犯從前未將聽囑轉邀情由向張揚年等告知其
拒傷王珠身死亦據供係施和尚下手難保非因施
和尚在逃恃無質證狡供避就且往搶時同入王侯

氏家院內惟梁二有施和尚楊四三人王珠被施和尚拒傷亦僅出自梁二有一人之口原題內雖有梁二有因施和尚毆傷王珠途中埋怨之言檢查從前張揚年單來幅供招內並無一語供及現在招內雖據聲明提訊張揚年單來幅俱供曾經聽聞從前未及供明而從前承審各員於夥衆搶奪婦女拒捕殺人重案豈有並未追究下手正兇之理是張揚年等現在所供曾經聽聞之處顯係串囑卽王侯氏在王三幅家逃出之時經王三幅找見梁二有令其領去

梁二有姑將施和尚起意搶賣緣由告知又焉知該
犯非因將來犯案必罹重辟預先飾詞捏告以爲卸
責地步案關斬絞出入未便據先後互異之供遽定
爰書再查從前張揚年單來幅原供均稱道光元年
八月十八日會過梁二有三幅田明王恨施和尚
羅驢王磨胡立本楊四說起貧苦梁二有因見王珠
嗣子病故遣妾侯氏起意糾搶嫁賣是夜同到王珠
莊前張揚年單來幅等七人在莊外接應梁二有施
和尚王三幅楊四四人進莊施和尚把侯氏搶出王

三幅拿取衣物出到班外梁二有們說他們撞門進
去把侯氏背走搶了衣物錢文王珠出阻他們用刀
把王珠毆戳受傷等語是張揚年等與施和尚等係
同時會遇梁二有所供起意搶賣出自施和尚之意
係伊聽囑轉糾顯係狡飾且細核張揚年等所
二有們說他們用刀把王珠毆戮受傷之供則王珠
之被拒身死非施和尚一人下手已可概見原驗王
珠鐵器傷一處刃傷二處梁二有王三幅均係攜刀
同往王珠身受刃傷難保非即係梁二有王三幅二

犯供狡執未便
援強盜例監禁

人下手卽張揚年等供指王三幅與施和尚等進莊
後王三幅拿取衣服出莊是王三幅顯有入室同搶
情事承審各員意存開脫任聽該犯中途落後狡供
巧爲避就實不足以成信讞現在梁二有剝邀夥犯
已獲三名其梁二有爲首爲從及究係何人拒捕殺
人不難質訊根究應交司駁令覆審定擬

道光五年
說帖

旋據該省具題聲明覆審各犯供執如前實在無從
推究將梁二有王三幅仍照原擬絞候與前獲擬絞
之張揚年單來幅一并比照強盜贓跡未明監候處

決之例俱監候待質俟緝獲施和尚質明辦理等因
職等查此案首夥共十一名先獲張揚年單來幅二
名已指梁二有爲首續獲梁二有王三幅二名又指
在逃之施和尚爲首其任意狡展已可概見犯係先
後拿獲已有四名自應將現犯隔別研審並設法細
心根究務得確情豈得以各犯供執如前卽以無從
推究一語率行比照強盜賊跡未明之例將案犯多
名仍行監候待質設施和尚始終未獲則該犯等亦
永遠懸案莫結辦理實屬未協至強盜監候處決一

條內指明係續獲強盜無自認口供跡未明夥盜
已決無證之犯核與此案情節毫不相符更未便強
爲比附應交司再行駁令覆審根究確情將首夥罪
名分別定擬俟秋審時分別實緩辦理毋任各犯混
供致重案久懸有違定例

道光七年設帖

會婦女監禁
立限待質

北撫 咨監候待質之錢在相等擬定罪名仍請監
禁待質一案查嘉慶八年間據河南巡撫以監候待
質人犯分別罪名定以年限應否於准咨定案之日
起限或以獲犯進監之日起限聲明扣滿咨請部示

本部以此項人犯原因正犯無獲恐有飾詞避就擬以監禁待質當獲犯進監之日該犯之應否候質尙在未確卽審訊時正犯之能否就獲亦所未定自未便以未經結案之時卽准扣限應以准否定案之日爲始等因通行在案至例內監候待質人犯分別監禁年限滿日發配釋放係指業經擬定罪名者而言其未經結案監禁待質之犯旣未擬定罪名卽不得將從前監禁年限扣算自應照通行以准否定案之日爲始視所擬罪名輕重分別年限照例辦理此案

錢在相何金雇與鄭老么等船內幫同搖櫓鄭老么因柴米俱無令錢在相何金等上岸購買旋經鄭老么伍士榮王貴王老四將路過客船內婦女王劉氏等搶奪過船追錢在相何金買得柴米回船鄭老么等向告實情仍囑相幫盪送許俟賣錢分給錢在相何金允從嗣經差役聽聞劉氏等在船喊救趕往盤問鄭老么與伍士榮等上岸逃逸僅獲錢在相何金二名先據該撫以審據錢在相何金供稱均止事後知情僅係一而之詞別無指證安知非因鄭老么等

在逃師詞避就並未擬定罪名聲請將該二犯監候待質於嘉慶二十四年三月內咨部經本部照擬咨覆茲據該撫以逸犯鄭老么等迄今無獲錢在相何金係屬未定罪名之犯並無監禁年限若久羈囹圄情殊可憫將該犯比照搶奪良家妻女姦古首犯應擬絞候其被逼誘隨行止於幫同扛擡減絞罪五等俱擬杖七十徒一年半俟監禁年滿鄭老么等仍無弋獲卽照所擬罪名辦理以免久羈等因咨部查錢在相何金等於鄭老么等夥謀將王劉氏等搶奪過

婦該犯等俱係事後知情例無搶奪婦女僅止事後
知情之犯作何治罪明文檢查各司亦無辦過成案
該撫將錢在相等比例擬徒尙屬平允該二犯於監
禁待質時既未擬定罪名卽不得謂業已結案其從
前監禁年限亦未便予以接算自應照嘉慶八年通
行以准咨定案之日爲始應將該犯錢在相等照該
撫所咨比例擬徒仍行監禁自此次擬定罪名接准
部覆之日起如限內緝獲鄭老么等到案質明該犯
等係同謀夥搶將該犯等從重問擬備監禁五年限

擬徒盜犯監禁
多年准其保釋

滿犯仍無獲該犯等事犯在嘉慶二十五年八月三
十七日

大赦以前應准免罪保釋毋庸發配

道光四年說帖

廣西司 查此案黃亞安係依其謀爲盜因病不行
又未分賊例擬徒與情有可原盜犯不同從前疊奉

恩旨經該省造冊咨部本部因其所避之罪不在援免之

列是以未經查辦茲據該撫咨稱該犯監禁已閱十

五年首夥仍未弋獲自未便令其久羈囹圄所得徒

罪事在嘉慶二十五年八月二十七日

恩詔以前應准援免應令該撫將黃亞安取具的保釋放
俟緝獲逸犯楊亞科等到案質明再行分別辦理
道光十三年說帖

重犯逃走二年
三年被獲改決

江蘇司 查乾隆二十九年欽奉

上諭嗣後凡有重罪應入情實人犯經二三年後始行就
獲如係應擬斬絞監候均著改爲立決等因欽此又四
十年奉

旨三法司核議創填絞犯逃後二三年被獲之王學孔
子明仿照上年諭旨擬改立決一本所辦未免誤會朕
意前旨所云比有重罪應入情實人犯經二三年後始
行就獲應改爲立決者原指謀故殺等犯情罪重大者
而言以其事關人命應卽抵償若復潛竄稽誅其情尤

爲可惡一經弋獲自應決不待時以戢兇惡而申憲典
若此等創墳爲首及三次人犯例雖應擬絞入情實然
皆貧民無奈爲此有司民之責者當引以爲愧而其犯
實無人命之可償也卽入本年秋審情實足矣有何不
可待而改爲立決乎朕辦理庶獄凡權衡輕重一準情
理之平從不肯稍有過當王學孔敖子明卽著照此旨
辦理嗣後問擬斬絞監候之犯經二三年後始行就獲
者何項應改立決何項仍應監候並著刑部悉心核議
酌定條例具奏餘依議欽此當經遵

旨將王學孔坂子明改擬監候入於秋審情實辦理並酌
議凡有關人命應擬斬絞各犯脫逃二三年後就獲
如謀殺故殺及拒捕殺人等類情重之犯俸稽顯戮
者各依原犯科罪應監候者俱改爲立決纂入例冊
遵行恭釋

諭旨既經指明應入情實人犯則例內二三年後就獲之
義正包秋審例限而言誠以此等重犯在逃而先後
不同就獲遲緩各異其中俸稽顯戮有越秋審例限
一二次不等者故例文不專載二年兼限至三年其

義極爲該括自應以秋審例限爲斷此案王二於嘉慶五年七月十二日夜行竊拒殺事主如果當時被獲卽應入於六年秋審情實詎該犯於七年五月二十七日始經破案該撫於八年二月十九日具題已越六七等年兩次秋審是以本部將王二改擬立決並經吏部查取職名題結在案今該撫以承審之員係遵守例內二三年後就獲者今未及二年就獲究屬有間請免送錯擬職名併稱將來拿獲逃兇或甫交二年似覺礙難辦理其當以何日爲斷抑仍以二

年後爲限之處並請核示等語是該撫泥看例文後字並未詳釋從前遵奉

諭旨纂定此例係專爲有關人命情重人犯脫逃而設且例內二三年後字義係約舉之詞原包秋審例限若如所咨必以二年後就獲始改立決則例內三年字面已屬贅文如以三年後爲限則二年字面亦屬多截殊失定例之意應令該撫嗣後凡遇此等情重脫逃稽誅之犯核與王二情事相同者卽照此辦理至承審各官將王二仍擬監候係屬拘泥例內二三年

後字樣尚與錯誤有間應將原咨移送吏部核議

嘉慶八年說帖

謀殺人命逃走
年餘毋庸改決

江督 題戴三謀勒陳三身死一案此案戴三因挾
嫌於嘉慶十五年四月二十三日謀殺陳三脫逃至
十六年六月初三日被獲計該犯在逃僅止年餘尙
非久稽顯戮該督將該犯仍依謀殺本律擬以斬候
與例相符應請照覆

嘉慶十七年說帖

強姦幼女無辜
人命毋庸改決

江西司 查李毛二強姦十一歲幼女傅冬英已成
例應斬候該犯脫逃十年被獲究係無關人命該省

謀殺兇殘逃走
年久加擬斬梟

仍照本例定擬與例相符似可照覆

嘉慶十五年設帖

陝撫題張四猴子等謀殺劉舉一案此案張四猴
子於嘉慶三年正月間謀殺劉舉迨十一年四月始
行獲案雖非事發在逃而事越八載日久稽誅卽與
脫逃二三年後就獲者無異自應改爲立決張四猴
子應改依謀殺人造意者斬脫逃二三年後就獲例
改爲擬斬立決該犯於謀殺劉舉之後復割其頭懸
拴掛樹上實屬兇殘已極應請

旨加擬梟示以昭炯戒歐老八聽從追趕劉舉用矛毆扎

謀殺姦本夫
隱匿年久改決

係屬同謀加功應仍按謀殺人從而加功本律擬絞
監候
嘉慶十三年說帖

河撫 題張虎妮謀死姦本夫劉大用棄屍滅跡

一案此案張虎妮謀殺姦本夫劉大用按例應擬

斬候該犯於十一年十二月犯事至十六年十一月

始行破案雖非事發脫逃究屬倖稽顯戮該省將該

犯比照斬候重犯脫逃二三年後就獲例改爲斬立

決何爲允協應請照覆
嘉慶十七年說帖

河撫 咨候補把總葉大榮脫逃被獲請示一案查

候補把總葉大榮
脫逃年久改決

例載內外現任文武職官除擅離職役查明尙非實在脫逃者仍照本律辦理外如負罪潛逃犯該軍流以下者無論本罪輕重一經脫逃被獲俱改爲擬絞監候如無故私自逃走被獲者發往黑龍江當差等語此案已革把總冀大榮前因病痊撥營候補嗣有把總缺出該犯不諳營規懇求送考該鎮訓斥未准該犯不服咆哮該鎮欲行咨送究辦該犯畏懼逃走茲經陝西省拿獲解豫該省以該犯冀大榮與現任負罪潛逃者不同未便擬以纒首卽照現任職官無

凡太監逃走各
直省一經拿獲
一面具奏一面
解交內務府等
因道光十一年
山西司通行

故逃走發往黑龍江當差亦覺法重情輕可否量減
擬徒扣仍照現任問擬等因咨請部示查職官脫逃
之例原係指現任而言其候補文武職官負罪潛逃
及無故私自逃走律例並無作何治罪明文歷年亦
無辦過此等成案查現任職官以職守所係爲重故
一經脫逃被獲卽應擬以重譴至候補試用人員無
印信典守之責原與現任有間第旣試用候補卽應
聽候差委如欲他往亦須稟達上司不能來去自由
若私自不告而去卽屬擅離已有應得之罪而獲咎

潛逃更不能稍從寬貸茲該犯葉大榮以求缺未遂
輒敢向上司咆哮迨該鎮欲行咨送究辦該犯復敢
遠遁他省希冀倖免實屬罔知忌憚此等玩弄若不
嚴加懲辦殊不足以儆官邪而肅行伍查現任職官
負罪潛逃犯該軍流以下無論本罪輕重一經脫逃
被獲卽應擬以纆首惟該犯係候補人員究非現任
可比若竟照現任官員負罪潛逃例擬以絞候不特
與現任者無所區別揆之情法似亦未得其平自應
依律比附定擬葉大榮一犯應於現任職官負罪潛

逃絞候例上量減一等擬杖一百流三千里庶職官
知所做戒而情法亦昭平允

嘉慶二十五年說帖

河撫 咨李泳盛係將教匪劉之協首獲賞給把總
曾經補缺告病痊愈撥營候補該犯因求考未准輒
向上司咆哮迨南陽鎮欲行咨送究辦復敢私自潛
逃第係候補人員非現任可比應比照現任職官負
罪潛逃絞候例上量減一等杖一百流三千里

嘉慶二十五年案

現任武弁被參
不甘私自赴省

北撫 題把總曾紹積因汛兵董萬興誣良爲竊犯

堅不承招衆供
確鑿杖罪咨結

刑案匯覽

卷五

名例

其犯罪事發在逃

案供伊主使誣拿被縣詳請解任心懷不服私自赴
省欲行稟訴旋被拿獲將曾紹積照現任職官無故
私自逃走被獲例發黑龍江當差經本部以該弁私
自赴省欲行稟訴具罪止於不先稟明上司擅離汛
守若遽科以無改逃是則其被控欲訴不得謂之無
故卽私自赴省亦不得謂之實在脫逃與擬遣之例
不符駁飭另擬旋據遵駁更正將曾紹積於無故逃
走發遣例上量減一等擬杖一百徒三年
嘉慶二十五年案
蘇撫咨顧吳氏違抱顧懷瑾赴京翻控顧鳴揚包

娼糾搶串唆吞欠並石港場將伊子顧懷瑾濫責等情一案此案顧懷瑾所控顧鳴揚等包娼誘妹戲謔並糾搶買定川菜及串唆張忝福等吞欠歧訟各情久經通州訊明擬結罪無重科卽照顧懷瑾所控亦已無可再審至所控石港場鎖拿濫責一節經調該大使等當堂推問據供顧懷瑾與陳長泰爭奪賣菜攤地被陳長泰扭稟該場飭傳查訊因其咆哮不服目無官長傷役杖責二十板備文解州審訊並無別故衆證明確案無疑義未便再任該原告倚恃婦女

狡辯不休致滋拖累自應卽就歷審衆證供詞定案
查顧懷瑾屢次京控本屬刁健惟所控顧鳴揚等包
娼各情均係得實卽場官濫責一節亦非盡出無因
且此次赴京翻控出自伊母之意未便仍照申訴不
實擬以滿杖顧懷瑾應照不應重律杖八十事犯到
官在道光八年十一月初九日

恩詔以前應予援免顧鳴揚等業於前案擬結應免重科
石港場大使陳伯适因顧懷瑾被陳長泰扭至該場
衙門喊稟飭傳查訊咆哮不服量予杖責尙無任意

濫刑情事惟顧懷瑾並非竈戶該場不行移送有司
審訊輒自責處致得藉口滋訟亦有不合應隨詳聲
請候部察議等因查此案既無輸服供詞且係京控
事件該民婦等如果實在刁健堅不承招自應照例
奏請

定奪以昭慎重等因奉部駁飭並奉院臺以被證人等前
已訊取確供不難核辦毋庸再提拖累遵經專提顧
吳氏等解蘇飭發該府等提訊該原告等仍一味堅
執明藉狡展爲拖累之計殊屬刁健查奏請

定奪之例似指情罪重大者而言若尋常細故無關罪名輕重出入衆證已明僅一原告逞刁狡執不肯輸服此等案情亦皆紛紛入

告未免繁瑣似可就案咨結以歸簡便相應咨達等因查律載犯罪事發而在逃者衆證明白或係爲首或係爲從卽同獄成不須對問又例載內外問刑衙門審辦案件徐本犯事發在逃衆證明白仍照律卽同獄成外如犯未逃走鞠獄官詳別訊問務得輸服供詞毋得節引衆證明白卽同獄成之律遞請定案其有

實任刁健堅不承招者卽據衆證情狀奏請

足登不得率行咨結各等語溯查此條例文係嘉慶十五年十二月本部議覆山東巡撫審奏姚文珂捏控姚鳴庭等私拆入官房牆侵占地基經官訊明姚文珂明知罪應坐誣狡展不服延案拖累將姚文珂依誣告擬徒奏請

定奪並通行內外衙門纂入例冊在案此案顧吳氏屢次遣子顧懷瑾京控顧鳴揚包娼糾拾等情前經該撫因顧吳氏等堅不承招就衆供定案經本部以原告

堅不成招自應照例奏請

定奪駁令照例辦理茲該撫以奏請

定奪之例似指情罪重大者而言若尋常細故無關罪名輕重衆證已明此等案情亦皆紛紛入

告未免繁瑣似可就案咨結仍行咨部核覆等因查顧吳氏屢次京控現據該撫聲稱案情澈底已明罪止杖笞該原告係因私忿未洩故執延累自未便遂其拖累之計以致案懸未結應如所咨照衆證定案惟查例內實在刁健堅不承招奏請

定奪之例並不分罪之輕重今江蘇省顧吳氏一案既因
罪止杖笞照衆供否結恐各省辦理未能盡一應通
行各省嗣後審理實在刁健堅不承招之案如犯該
徒罪以上者仍照例奏請

定奪其罪應杖笞以下除本應具奏之案仍照例奏請外
其餘尋常咨行事件如果訊無屈抑經該督撫親提
審究實係逞刁狡執意存拖累者卽據衆證情狀咨
部完結

道光十年通行

親屬相爲容隱

犯姦不得容隱
埋屍亦係侵損

四川司 查律載大功以上親有罪相爲容隱者勿
論又例載本夫本婦之有服親屬皆許捉姦名等語
詳釋律例蓋親屬得相容隱係指尋常犯罪而言至
犯姦則辱沒祖宗在親屬均有義忿防閑之責故尊
長有縱姦科罪之條卽卑幼亦在應許捉姦之列如
有知情容隱自不得援照得相容隱之律予以免議
致與例義齟齬今川省陳固榮戮死姦婦陳孫氏案
內之孫萬全係孫氏胞弟例許捉姦其於孫氏犯姦

知情容隱與親屬有犯別項罪名容隱者不同該督
聲稱律得容隱似未允協惟孫氏業已出嫁孫萬全
分屬卑幼無管束之責尙可免議擬於稿尾另行聲
說至嚴懋田殺死陳標案內之嚴懋連係嚴懋田胞
弟明知伊兄縱妻何氏與陳標通姦既不能勸阻於
前又復幫同埋屍於後自應依一家共犯侵損於人
以凡人首從論科該犯以埋屍爲從之罪該督亦稱
律得容隱竟予免議核與律例不符併請改擬

乾隆五十六年說帖

刑案匯覽

卷五

名例

刑案匯覽卷五終

全

親屬相為容隱